

Athör tueŋ cī Paulo gät kɔc gen Korinth Wēt nom

Athör tueŋ cī Paulo gät tēnē kɔc cī gam gen Korinth, ee gēt rin aliām cī rot lək jat nhial, cī pīr ku gam lək wāac apei akut kɔc cī gam yic, akut wāār cī Paulo jɔk cök gen Korinth.

Pan Gīrik yen tō gen Korinth thīn ē mɛc bēnydīt kɔc Roma. Ku Korinth, tēwāār gēt Paulo athör ē ye gendīt wun cɔl Akaya, ku ē ciēŋ kɔc juēc thīn. Gen kēnē ēcī ŋic apei ē wēt ɣɔc ye looi thīn, ku ciēŋ ē nhiaam ku luoi kārɛc cimēn luoi kāk ē bal ku thēk yiēth juēc.

Kē cī akut kɔc cī gam yeyic tek, ku wīny ē diäär ku ciēŋ rɛɛc tō kam rōor ku diäär, ku wēt ē thiēek, ku wēt ciēŋ path, ku tēpɛth ye Nhialic duɔr thīn, ku miɔc ē Wēi Nhialic ku jōn ē rot thou yic. Kākkā ēbēn, kek aa wēl ril kek gēt Paulo athōor tēnē kɔc cī gam Korinth. Acī them piānde yic ēbēn bī nyuɔth yen kē ye Wēt Puoth Yam lək kɔc rin ē kākkā ēbēn.

Kāk tō thīn

Muōth tueŋ 1:1-9

Tē cī kɔc cī gam keyiic tek thīn akuut 1:10–4:21

Wīny ē diäär ku pīr baai 5:1–7:40

Kɔc cī gam rēer kam kɔc kēc gam 8:1–11:1

Tē dhil kɔc aa rōok thīn ēbēn 11:2–14:40

Jōn e rot Jethu ku kɔc cī gam 15:1-58

Ajuer tēnē kɔc cī gam Jeruthalem 16:1-4

Wēl ciēen ē Paulo 16:5-24

¹ Athör kënë abö tënë Paulo, raan cī cōl ē wēt Nhialic bī ya atuny Jethu Krītho, ku tënë wāmāāthdan cī gam Thothēneth.

² Yēn agēt tënë Krīthiaan rēēr gen Korinth, kōc cī Nhialic cōl bīk aa kacke, rin cī kek mat kek Jethu Krītho, cīmēn kōc kōk cī gam, kōc ē Jethu door, Bānyden ku Bānyda aya.

³ Bī Nhialic Wāda ku Bēny Jethu Krītho, we yiēk dhēēj ku dōr.

Nhialic acī yo dōc rin Jethu

⁴ Yēn ē Nhialic ya door leec ē riēnkun akōlakōl, rin kē cī looi tënë we. Acī we nyuōth piathde, ku gēm we kājuēc yakē yōk rin Jethu Krītho. ⁵ Rin rēēr wek ke we ye tōk kek Raan cī lōc ku dōc, Nhialic acī we muōc bāk kājuēc ηiēc aa looi cīmēn ye wek kōc lēk wētde, ku ηiēc kē kājuēc.

⁶ Nhialic acī wēt Raan cī lōc ku dōc cōl awēi wepuōth apēi, ⁷ ku kēya acīn miōc tōη Nhialic liu tënë we ēmēn rēēr wek ke we tīt akōl bī Nhialic Bānyda Jethu Krītho cōl aben dhuk. ⁸ Ku Jethu abī we kony bī gamdun riel bī Nhialic we tīη ke we cīn gup awuōc akōl le Bānyda Jethu Krītho dhuk. ⁹ Anjēckē kecīn diu, lōn Nhialic akōlakōl ē kē cī thōn ke bī looi, looi. Ee yen acī we cōl bāk aa tōk kek Wēnde Jethu Krītho Bānyda.

Kōc cī gam Korinth aaci keyiic tek

¹⁰ Wek aa lāη wāmāthakua rin riel Jethu Krītho, bī ya wēt tōk yen yakē lueel, ku bāk weyiic cīi ye tek. Matkē rōt ēbēn ku calkē tāktākdun aye tōk. ¹¹ Acī kōc kōk ē many Kulowi lēk ya lōn wek aa gōth ē kamkun.

¹² Kë więc ba lueel akın, aye kəc kők ë kamkun lueel ëlä, “Yok buəth Paulo.” Ku lueel kəc kők, “Yok aa buəth Apolo.” Ku lueel kəc kők, “Yok aa buəth Pıter.” Ku kəc kők, “Yok aa buəth Raan cı ləc ku dəc.”

¹³ Ye tēde bı Raan cı ləc ku dəc ya tek yic akuut? Ye yən Paulo yən cı thou tim cı rııu kəu ë rienkun? Nadë le raan cı we muəc nhıim rin bı wek aa kəc buəth yən Paulo?

¹⁴ Yən alec Nhialic rin acın raan ca muəc nhom ë kamkun, ee Krıthputh ku Gaiöth kepēc. ¹⁵ Këya, acı raan luel ye lən cı we muəc nhıim bäk aa kəc buəth ya. ¹⁶ (Aca ben tak, yən acı Ithipanath kek kacke muəc nhıim. Ku acä ye tak lən le yen raan dēt ca muəc nhom.) ¹⁷ Raan cı ləc ku dəc akęc ya tooc ba kəc aa muəc nhıim. Acä tooc ba kəc aa lək Wēt Puəth ë Yam. Ku lək ke ë cök ke cie wël raan njic kəŋ ë path, rin ba nyuəth lən thon cı Krıtho thou tim cı rııu kəu, ala riöldit apıi.

Jethu ë njıny kəŋ ku riel Nhialic nyuəth

¹⁸ Aye kəc măr, kəc kuc tē bı ke kuəny thın tak lən thon cı Raan cı ləc ku dəc thou tim cı rııu kəu, acın kē ye kony tēnē ke. Ku yook, kəc cı luök thon cı Raan cı ləc ku dəc thou tim cı rııu kəu, ee Nhialic nyuəth tē ril yen thın.

¹⁹ Ku yeen acı göt athör theer wël Nhialic yiic ëlä, “Yən abı kəŋ gël bik röt cıı loi tēnē kəc njic kəŋ ku kəc cı piöc apıi.” ²⁰ Na ye kälä, yenjö buk lueel rin kəc njic kəŋ ku kəc cı piöc apıi, ku kəc njic teer wël ë riēc aköl yic? Acı Nhialic nyuəth lən njıny ë kəŋ ë kockä acın wētde yic! ²¹ Rin njıęc ë kəŋ təu kek Nhialic,

akëc kəc pinyinhom ye lëu ku bik ye njic cək alən njic kek kəñ. Ku Nhialic aci wët yeku lëk kəc, wët yen ye yöñ yic, looi bi yen kəc ye gam kony. ²² Ku awic kəc Itharel bik kəril ë kəc göi tñ, kək bi ye nyuəth lən Nhialic alui. Ku kəc cie kəc Itharel ë wickë bik kəñ aa njic. ²³ Ku yook wët yeku luεεl, ee Raan ci ləc ku dəc ci thou tim ci riü kəu cii kəc Itharel ye lëu bik gam. Ku yöñ kəc cie kəc Itharel yic lən cñ yen wëtde yic. ²⁴ Ku tənë kəc ci Nhialic cəal, kəc Itharel ku kəc cie kəc Itharel, wët ci Raan ci ləc ku dəc thou, ee riεl Nhialic ku njëc kəñ Nhialic nyuəth. ²⁵ Rin kë ye tñ ciët Nhialic cñ kë njic, anjic kəñ apei ka wär raan njic kəñ. Ku kë ye tñ ciët Nhialic cii ril, aril apei ka wär riεl ë raan.

²⁶ Takkë emən miëthakäi, we ye kəc yindë wäär këc Nhialic we cəal bək aa kəc buəth Jethu. Cīt tē ci raan cak thñ, aa kəc lik ë kamkun kek aake njic kəñ, tädë ke kek la riεl, tädë ke ye kəc ke dhiëeth kəc ci jak. ²⁷ Nhialic aci kəc ye tñ kecñ këpeth tō ke ke ləc, rin bi yen kəc röt cəal ka kəc njic kəñ cəl ayär gup. Ku ləc kəc ye yök ciët ke niəp, rin bi yen kəc röt yök ke ril cəl ayär gup. ²⁸ Ku Nhialic aci kəc cii ke ye kuëc nhüim ləc, rin bi yen riεl kəc röt yök ke kek ye kəc ril rac. ²⁹ Ku aye kënë nyuəth lən acñ raan lëu ye bi nhiam Nhialic nhom. ³⁰ Ku ë rin Nhialic yen aci wek ya kəc Jethu Kritho. Ku njëc ë kəñ tōu kek Nhialic, ayeku yök tənë Jethu. Ee rienke yen aye yok la cök tənë Nhialic ku yeku kacken path, ku wëer yo bei adumuömkua yiic. ³¹ Këya, aci göt athör thëer wël Nhialic yic ëlä, “Na ye raan wïc ye bi nhiam rin kë ci ye cəl amit puöu, ka dhil nhiam rin kë ci Bëny looi.”

2

Tē cī Paulo kəc Korinth lək thīn

¹ Wäär cī ɣen bēn tēnē we miēthakāi, ba we bēn lək wēt ē Nhialic cī moony, wek aa kēc bēn aa jāām wəl ril ye nyooth ciēt ɣa ye raan cī piöc apēi tēnē we. ² Rin wäär rēer ɣen kek we, aca bēn tak bī ciēn dēt lək we, ee wēt rin Jethu Kritho, wēt cī yen thou tim cī riūu kōu. ³ Kēya, wäär bīi ɣen tēnē we, ɣen ē ɣa bō ke ɣa cī riöc rin cīi ɣen ril. ɣen ē ɣa ye lath. ⁴ Ku ɣen akēc piöc ku lək kəc Wēt Puoth ē Yam wəl puoth ηיע. Ee Nhialic yen aci ye looi bī piöcdiē ku tē ye ɣen kəc lək thīn la cök ē riel Wēi Nhialic. ⁵ Kēya, acie wəl puoth yakē ke piη kek cəl we aa gam Raan cī ləc ku dəc, ee riel Nhialic.

Nīny ē kāη bō tēnē Wēi Nhialic

⁶ Kē ya piöc ē wēt ηiēc tēnē kəcdit cī gam. Ku acie ηiēc tōu kek kəc pinynhom. Tēdē ke ηiēc ē kāη tōu kek kəc mēc emēn, kəc la riel bī rielden guo liukā. ⁷ ηiēc ē kāη ya lueel, ee ηiēc tōu kek Nhialic kēc cəl aləc tic tēnē kəc. Ku aci Nhialic guir thēer kēc piny cak lən ηiēc ē kāη kēnē yen abi duaar bēi tēnē ɣo. ⁸ Ku ηiēc kək Nhialic kēnē ē kēc kəc mēc emēn ηic. Na cik ηic ηuöt aa kēc Bēny rəm duaar kek Nhialic piäät tim cī riūu kōu.

⁹ Ku ē yen kē ye athör thēer wəl Nhialic lueel elä, “Acin raan cī ye kaη tīη, acin raan cī ye kaη piη, lən bī yen rot looi, yen kē cī Nhialic guir tēnē kəc nhiar ye.” ¹⁰ Ku aa ɣok aci Nhialic bēn cəl aηic kəkken kēc cəl aləc tic riel ē Wēike. Wēi Nhialic aηic kēriēc ebēn agut kək cī Nhialic moony. ¹¹ Ee puön raan rot yen ē kək ye raan tak ηic. Kēlä aya, ee Wēi Nhialic

yen aŋic tēktēk ē Nhialic ēbēn. ¹² Ƴok kəc cī gam, Ƴok aacie kāŋ ye tak tēcīt tē ye kəc pinynhom, kəc cie kəc cī gam ke tak thīn. Ƴok aaci Wēi cī Nhialic tuōc Ƴo yōk. Ku aci Ƴook kony buk kāk cī Nhialic yiēk Ƴo ya deet yiic apath.

¹³ Kēya, tē jīεem Ƴok, Ƴok aacie jam wēl cī Ƴo piōōc tēcīt tē ŋic kāŋ thīn pinynhom. Ƴok aa jam ē wēl ye gām Ƴo ē Wēi Nhialic, tē jīεem Ƴok kāk Nhialic tēnē kəc rēer Wēi Nhialic ke ke. ¹⁴ Raan liiu Wēi Nhialic tēnē ye, acie kāk ye Wēi Nhialic piōōc ye gam, aa cīn wētde yic tēnē ye. Ku aaci ke ye deet yiic, rin alēu raan bī piath ē kākā ŋic tē rēer Wēi Nhialic kek ye. ¹⁵ Raan rēer Wēi Nhialic kek ye, alēu bī kērac ku kēpath deet yic, ku acīn raan lēu bī ye jōōny.

¹⁶ Cīmēn cī ye gōt athōr thēer wēl Nhialic yic ēlā, “Yeŋa ŋic kē tek Bēny? Yeŋa lēu bī yeen wēēt?”

Ku Ƴok aa tak cīmēn Raan cī ləc ku dəc.

3

Ƴok aa lui rin Nhialic

¹ Miēthakāi le Ƴok gam tōk, akēc lēu ba jam tēnē we tēcīt tēn bī Ƴen jīεem thīn tēnē kəc rēer Wēi Nhialic ke ke. Ƴen a Ƴa ye jam tēnē we ciēt ye kāk pinynhom kek yakē ke tak kepēc. Ku ciēt we ye kəc cīt mīth ē tēdun ye wek piōōc kəc cī gam dēet yic thīn. ² Wek aa we cā gām kāk bāk ke dek ku acie miēth ril kōu, rin wek aa we kēc guə cam miēth ril kōu. Agut cīt ēmēn, acāk lēu bāk liek, ³ rin wek aŋot we ciēŋ cīmēn kəc pinynhom kepuōth yiēk kāk ye piāthken wīc. Tē rēer tiēl ē kamkun, ku yakē rēer ke ŋek gōth ke ŋek cīi ye nyuōōth lən ciēŋ wek cīmēn

kəc pinynhom? ⁴ Үен аҗиc ӗ кенӗ тӗ ye җек камкун ye лueel, “Үен абуаth Paulo.” Ku raan дӗт. “Үен абуаth Apolo,” Ke wek aa tak cимӗн кəc кӗc gam.

⁵ Yenӗ Apolo ku Paulo cəl aaye кəc ril аpei? Nhialic аcӗ җo luӗi buk we kony бӑк gam. Җек ӗ камкуа ӗ luӗi cӗ Bӗny тӗк ye looi. ⁶ Үен аcӗ кӑu com ku yor Apolo, ku ӗ Nhialic yen аcəl ye аcил. ⁷ Raan cӗ кӗдӑҗ com ku raan cӗ ye yor аacie kek ril. Ee Nhialic yen aril аpei, rin ӗ yen аcӗ кӑu cəl аcил. ⁸ Raan cӗ кӑu com ku raan cӗ ye yor aa thӗҗ rin җok aa loi luӗi тӗк җodhie rin ӗ Nhialic. Ku Nhialic аби җек ya гӑm аriӗp thӗҗ kek luӗiden cӗ looi. ⁹ Rin җok aa cӗт dom luui Nhialic thӗн. Wek aa cӗт җӗн buth Nhialic. ¹⁰ Үен аcӗ Nhialic гӑm тӗӗт ye җен җиc buth. Ku ӗ yen аye җен атӗн кӑк buth җиc җӗк cӗк, кӑк ye raan дӗт buth thӗн аya. Ku җек аdhil yenhom тӑӑu piny аpath тӗ buth yen thӗн. ¹¹ Rin Nhialic аcӗ Jethu Kritho yetӗk looi бӗ а yen ӗ җӗк ӗ cӗк. Kӗya, аcӗн raan дӗт ben җӗк ӗ cӗк дӗт ben yam. ¹² Kəc аabi aleel ril аpei lӗӗm ku бӗ kek кӗ cӗ җӗк cӗк buth, ku кəc кӗк аabi luui ӗ tiim ku bel. ¹³ Ku кəc аabi кӗ yen puath luӗi ӗ җек тӗҗ аkӗl le Raan cӗ лəc ku dəc dhuk. Rin аkӗl кенӗ, mac аби luӗi cӗ looikӑ them ӗbӗн, ku luӗi бӗ mac гӗӗк аби тӗҗ. ¹⁴ Nhialic аби raan buth кӗ cӗ җӗк cӗк ӗ кӑк cӗи mac ye rac, yiӗk аriӗp.

¹⁵ Ku na le raan rəc mac luӗide, ka cӗн аriӗp җӗк. Ku yeen nhom аби poth cимӗн raan җӗӗт rot bei mac yic. ¹⁶ Cӑк җиc лən wek aa cӗт luan ӗ Nhialic, ku Wӗi аrӗӗr kek we? ¹⁷ Na ye raan loi luan ӗ Nhialic бӗ yic la buӗl, ke raan кенӗ аrəc Nhialic. Rin luan

Nhialic ë këde ë rot. Ku aa wek aa ye ηek ke luanj ë Nhialic.

¹⁸ Acin raan mæth rot. Na ye raan ye tak ka wär we njiny ë kån, ka dhil rot cöl acit raan cii kån ηic ë riëec akölë yic, rin bi yen a raan ηic kån.

¹⁹ Kë ye kəc akölë pinynhom tən tak kepuəth ciət ke ηic kån, acin njiny ë kån tōu thın cīt tē ye Nhialic tiən ye. Cımən cı ye gət athör thæer wël Nhialic yic ëlä, “Nhialic ë kəc deep njinyden ë kån yic.” ²⁰ Ku aci gət aləη dët yic ëlä, “Aηic Bëny lən tēktək kəc ηic kån acin kēpuəth tō thın.”

²¹ Duəkkë ye nhiam lən buəəth wek ηek ku ηek. Käk piöoc ëbën aa kakkun. ²² Paulo, Apolo ku Piter, këriëec ëbën pinynhom, pır ku thou, kāk tōu thın ëmən ku kāk aköldä, kakkä ëbën, aa kakkun bi wek kəpath yök thın. ²³ Ku week ku yook aatō Raan cı ləc ku dəc cök. Ku Raan cı ləc ku dəc atō Nhialic cök.

4

Yok atuuc Raan cı ləc ku dəc

¹ Wek aadhil yo ya tiη ke yok kəc lui rin Raan cı ləc ku dəc, kəc cı Nhialic looi buk yithken cı moony luεel. ² Kë tōη ye wic tənë raan lui, ee lən bi kāk wic bānyde ëbën bi ke looi, looi. ³ Yæn acie diæer rin acie wek la yic pinynhom tən, tē looi wek luk tənë yæn tädë ke ye kəc kək ku bāk ηic lən puəth luəidië tädë ke rac. Ku yæn acie rot ye luək yic ë rot. ⁴ Acin kë ya tak ke ca kuəc looi. Ku kënë acie yæn cöl acin guöp awuəc. Ee Bëny ë rot yen abi luk looi tənë ya. ⁵ Këya, duk raan dët luk wei ke tē bi ye luək wei këc bën. Lunj ciëen adhıl Bëny tiit bi dhuk, yen abi käreç ye

thiaan cəl atiëc ku nyooth käreç ye puön ñek tak. Ku tənë, ñek abī læc a yök tənë Nhialic rin kəpuoθh cī looi.

⁶ Ēmën miëthakāi, kāk ca ke lueel ëbën, ee ciët ya jam rienkië ku Apolo, rin bī wek kāk cī gət ëlä deet yiic, “Duk kāk cī gət theer lir nhüim yīpuöu.” Acin raan kamkun loi rot bī nhiam rin ë yen raan buoθh ñek ku dhël raan cüi buoθh guöp. ⁷ Yenə cəl yī aye raan ñic kəñ tənë kəç kək? Cie Nhialic yen gëm yī kəriëëc ëbën tō kek yī? Na ye këya, yenö yī cəl anhiam ciët kāk tō ke yī cie kāk ke gëm yī. ⁸ Cäk kajuëc wiëckë ke yök ëbën? Cī Wëi Nhialic we yiëk miëc wiëckë ke ëbën? Cäk aa bāny mac kəç, cək alən cüi yok męc? Ee tēde, aya wic bāk aa bāny męc ayic, rin ku buk aa bāny yodhie ke we. ⁹ Aya yök yapuöu lən cī Nhialic yo tōöu ciëen yok atuuc, cīmën kəç cī tēm awuëc bī yo nək bī kāk cī cak ëbën, kəç ku atuuc nhial aa daai ë yo. ¹⁰ Rin ye yok kəç Raan cī læc ku dəc, yok aa cīn kë ñicku, ku wek aa ñic kəñ tē ye wek tök kek Raan cī læc ku dəc. Yok aacüi ril ku wek aa ril! Yok aaye bui ku wek aaye leec. ¹¹ Agut cīt akölë, yok aa rëër ke yo nək cək ku yok aa rëër ke yo nək rou. Yok aa ciëñ alëth cī riääk cī la yueryuer, yok aa ye biäk, yok aa cīn nhüim tē ceñku, yok aa rëër yo kuany baai yic. ¹² Yok aa luui apei yocin. Tē wëi kəç yo käreç, yok aa Nhialic thiëëc bī ke dəc. Tē beñ yo ka yeku guum, ¹³ tē bui yo, yok aa kəç jääm ë wël path. Yok aa cīt kädhie cīn kəpuoθh tōu kegup ye cuat wei.

¹⁴ Yen acüi kakkä gət rin bī yen we cəl ayär gup, ë rin bī yen we læk cīmën miëthkiën nhiaar. ¹⁵ Rin na cək alən le wek kəç juëc apei kony we pirdun kəç

cī gam yic, ke wek aa cīn wurkun juēc. Rin pirdun ye wek tök kek Raan cī lɔc ku dɔc, Jethu, ɣen acit wuurdun rin cī ɣen Wēt Puoθh Yam bēēi tēnē we. ¹⁶ Wek aa yōök bāk ɣa aa kiēēt. ¹⁷ Ku rin ē wēt kēnē yen atooc ɣen Timothī tēnē we. Rin ē manhdiē apēi, ku aca deet pušu. Abī we cɔl aa tak yith rin tē piir ɣen thīn, ke ɣa ye tök kek Raan cī lɔc ku dɔc, Jethu. Yithkā, kek aa ya pišc tēnē akuut kɔc cī gam ɣon juēc yiic.

¹⁸ Kɔc kōk kamkun aa tak lɔn cīi ɣen we bī la neem, ku kēya, aaci nhiam. ¹⁹ Na wic Bēny, ke ɣen abī lac la ba we la neem, ku ba riel cī kockā nhiam la yök, ke cie wēt yekē lueel ē path. ²⁰ Nhialic ē määcde nyuoθh tē ye kɔc luui thīn ē piērden yic, ku acie tē ye kek jiem thīn ²¹ Yenō wiēckē ba looi tē le ɣen ba we la neem, bī dhiel a yic ba we tēm awuōc, kua ba nhiērdiē nyuoθh we ku njic we aa jāām.

5

Cuɔpkē raan kāk bal looi akut yic

¹ Ēmēn, yic aci kɔc kōk lēk ɣen lɔn raan tök akuōtdun yic, aloi adumušm rac apēi, rin ē yen tōc kek tiŋ ruēēi kek. Na cɔk aa kɔc cie Nhialic la cök ē door, ka cīi adumušm cit kēnē nhiar. ² Yenō ye wek nhiam? Kēnē adhielkē maan, ku wek aa dhil raan adumušm cit kēnē looi cuɔp wei akuōtdun yic. ³ Na cɔk alɔn cīi ɣen rēēr kek we ke piändiē arēēr ke we, ku ɣen aci raan cī kēnē looi tēm awuōc ciēt ɣa rēēr ke we. ⁴ Tē rēm wek rin Bānyda Jethu ke piändiē arēēr kek we, ku riel Bānyda Jethu arēēr thīn. ⁵ Cuɔpkē raan kēnē wei bī la rēēr jɔŋrac cin,

na cök alon ræc yen guäpde, ke wëike abī kony aköl bī Bānyda dhuk.

⁶ Acīi rot lëu bāk nhiam. Wek aaci kē cī lueel ëlä theer piñ, “Lon thin koor ayup cöl apiäär ëbën.”

⁷ Këya, nyaaikë adumuööm cit luou ku bāk ben aa kəc ë gam. Ku wek aabi jäl ciët ayum ë yam cīn yic luou, cīmën ηic yen ye lon wek aa cit kënë alanden. Rin Raan cī ləc ku dəc, amiöcdan Yan ayum cīn yic luou aci nök.

⁸ Të cem yok ayumdan Yan ayum cīn yic luou, ka cuk cam ke yo la puöth luoi käreec ku adumuööm, kāk cit ayum kəc yiëk yic luou. Apath buk ciën ruëeny ku loiku yic, kāk cit ayum kəc yiëk yic luou.*

⁹ Aca lëk we athör wäär ca gät we yic bāk ciën buro kek kəc ë rëer ke wïc diäär. ¹⁰ Ku aacie kəc cīi Nhialic la cök ye door, ayi kəc dit puöth nhiar kajuëc ku cuër, kek luëel. Na ye kat tënë kəc cit ë kockä, ke yin acīi cit raan pinynhom tən ceñ. ¹¹ Kën yen luëel ë lon bāk ciën buro kek wämuuth cī gam wïc ë diäär, ku nhiëer kajuëc ku ye jak cī kiëët door, ku ye kəc jääm gup ë lueth, ku ye wiëet ë määu ku ye cuär. Duk cök mīth ke wämuuth cit ë kënë.

¹²⁻¹³ Yic akīn, acie luoidië ba luk looi tënë kəc kəc gam. Ee Nhialic yen abī luk looi tënë ke. Ku cīi ye luoidun bāk luk looi tënë kockun cī gam? Cīmën cī ye gät athör theer yic ëlä, “Nyaaikë raan rac akuötdun yic.”

6

Kəc cī gam aa kacken kək yäth luk yic

5:6 Gal 5:9 **5:7** B.bei 12:5 * **5:8** Yok aa dhil ciët ayum kəc yiëk yic luou, B.bei 13:7; L.rou 16:3 **5:12-13** L.rou 13:5; 17:7

1 Na cī raan göth ë kamkun kek wämënhë dët cī gam, ke ye yieç nõ tã kek ye bī yen raan la gaany tënë kəc cie Nhialic la cök ë door, ku cīi yëth tënë kəc cī gam bīk luk looi? 2 Cäk ñic lön bī kəc cī gam la riel bī kek luk looi tënë kəc ë pinynhom? Ku na luokë luk tënë kəc pinynhom, ke cäk lëu bäk kãthii tã kamkun luk? 3 Cäk ñic lön bī yok luk looi tënë atuuc jəŋrac? Na ye këya, alëuku aya buk käk röt looi piërda yic akölë aa luk. 4 Na yakë la luok cīt kãkkä, ke yeŋö ye wek ke yãth tënë kəc këc gam bī ya kek luokkun la looi? 5 Calkë röt aa thiëc lõŋ bī we rac gup. Cīn raan ñic kãŋ tã weyiic bī käk cī wääc kam kəc cī gam ya luk? 6 Ku Krithian ë wämënh dët ë Krithian yãth tënë kəc këc gam, bī ya kek la luk looi.

7 Ku rin ye wek röt yãth luk yic ë röt bäk käk we këëk la luk, aye nyooth lön cī ciεεŋ path we göök. Ee bī ñuëën tënë we bäk këreεc cī luoi we ya guum. Ku ë bī ñuëën tënë we bäk kəc kök cəl aa löm kãkkun. 8 Alëuku buk ñic aya lön ye yok käreεc looi tënë kəc kök, agut tënë miëthakäi kuan cī gam. 9 Aya dhiel tak lön ñic wek ye lön Nhialic acīi kəc rεc bī puöl bīk bäänyde rəm kek ye. Wek aa dhil ë kënë ñic. Kəc luui käk bal, tädë kəc diäär kəor, tädë kəc jak cī kiëët door, ku kəc lööm röör kök cīt ke. 10 Cuër ku kəc kepuöth yiëk kãjuëc. Kəc wiεεt ë määu, ku kəc kəc kök jääm gup ku kəc kãŋ tuöör nyin. Kockä ëbën aacīi Nhialic bī puöl bīk bäänyde rəm ke ye. 11 Kəc kök ë kamkun aake cīt ë kockä. Bëny Jethu Kritho ku Wëi Nhialic acä adumuööm nyaai wegup, ku wek aacī jäl aa kəc ë Nhialic, ku cəl we aala cök kek Nhialic.

Luwi kāk bal

¹² Abi raan dēt lueel elä, “Acin löŋ ya gël ba kë więc cii loi.” Ee tēde, ku keriēc ebēn aciī path tēnē yi. Alēu ba lueel lōn cī ya puōl ba kuať kë więc looi, ku ŷen aciī rot loi ba ya alony kāk ya ke looi. ¹³ Abi raan dēt lueel, “Miēth ē kēn yāc ku yāc ē kēn miēth.” Ee tēde, ku keek aabi Nhialic rac kedhie. Guōp acie luōōi wēt bal ē path, aye luōōi kë więc Bēny rin guōp ē kēde. ¹⁴ Nhialic aci Bēny jōť thou yic ē rielde, ku abi ŷook jōť aya ē rielde.

¹⁵ Anjēckē lōn ye guāpkun tōk kek Raan cī lōc ku dōc. Lēu ba guōp aban Raan cī lōc ku dōc looi bi ya guōp aban a dējōk? Acii rot lēu. ¹⁶ Cāk lēu bāk ŋic, mony guāpde cōl aye kēn adējōk lōn guāpken aabi ya tōk? Acī gōť athōr thēer wēl Nhialic yic elä, “Ku keek karou aabi ya guāp tōk.” ¹⁷ Ku raan rot mat kek Bēny, ee ya tōk kek ye wēike yiic.

¹⁸ Nyaai yīpuōu kāk bal yiic. Adumuōōm kōk ye raan ke looi aaciī guāpde ye rac, ku raan yepuōu yiēc bal, adumuōōm guāpde rac yen aye looi. ¹⁹ Anjēc lōn ye ŋek ye ŋic lōn guōp aciť luan ye Wēi Nhialic rēer thīn. Acie wek we cak rōť wēpēc. Wek aa kāk Nhialic. ²⁰ Nhialic acā ariōp dīt apei tōōu piiny bi yen yī ŷōc. Kēya, calkē guāpkun aaye wek Nhialic leec.

7*Thiēek*

¹ Ēmēn, ŷen abi jāl jam wēl wāar cī wek ya gāt athōōr. Ee yic, apath bi raan cii thiēc. ² Ku rin bi ciēŋ rēec kāk bal puōl, apath bi moc ala tiēnde ku

ye tik la muonyde. ³ Moc ku tik aa dhil rëer apath ë rëer moc kek tienjde ku rëer ë tik kek muonyde, ke cïn raan kuc ë ηεκ. ⁴ Guöp rëer ke tik acie këde ë rot, ee kënë muonyde. Ku guöp rëer ke moc acie këde ë rot, ee kënë tienjde aya. ⁵ Cii ηεκ kuc bi cii töt ke ηεκ. Apath bäk kaη mat lön bi ηεκ atöt ë rot, rin bäk la nïn lik bi wek ke rök. Kaηkë mat yic ku gamkë wedhie. Na la ninkä thök ke we röm biök cïmëndun thεεr. Të looi wek ye këlä, ke jηηrac acii we bi piäk adumuööm yic. Rin acäk bi lëu bäk bal göök. ⁶ Wek aa cä yök bäk rëer ë röt këlä, wek aa päl bäk looi cüt tē wïc wek ye thïn. ⁷ Ee ba nhiaar apēi tēcīt wek γa. Ku ηεκ ë la këden cī Nhialic gām ye. Raan ë la miöcde ë rot ku raan dēt kek miöcde ë rot.

⁸ Ēmēn, awiēc ba lək rökөр këc thiëek ku diäär cī rökören thou rëer ë röt, lön apath bik rëer ke cii ben thiaak, ku cii rökөр thiëk aya cïmēn γen. ⁹ Ku na cäk lëu bäk rëer ë röt, ke we thiëk ku thiaak diäär rin aηuēēn bak thiëek tēn tē bi wek aa tuil akölaköl. ¹⁰ Alëk koc cī röt thiaak ë riël bānyda ku acie riëldië, tik acii muonyde päl. ¹¹ Ku na päl moc, ka dhil rëer ke cii mony dēt wïc, tēdē ke dhuk tēnē muonyde. Ku moc acii tienjde liöi.

¹² γen acie Bēny, ku γen aluel wēt kënë ke γa ye raan ë path. Na le wāmāath cī gam la tiη këc gam, ku wïc tik kënë bi rëer ke ye, ka cii tik dhil liöi. ¹³ Ku na cī tiη cī gam thiaak ë mony këc gam, ku wïc mony kënë bi rëer ke ye, ke tik acii moc päl. ¹⁴ Rin Nhialic ë mony kënë gam rin cī yen tiη cī gam thiaak. Ku yeen ë tiη këc gam cöl aye raande

rin cī ye thiaak mony cī gam. Na cīi cīt kēnē, ŋuöt miēthken aa cīt mīth kōc cie Nhialic la cōk ē door. Ku rin cīt yen kēnē, mīth aaye Nhialic mat ē kacke yiic.

¹⁵ Ku na wīc raan kēc gam bī raan cī gam rēer kek puöl, ka dhil raan kēnē looi kēya. Acīn kēnē ŋek duut ē kamken kedhie, moc ku tik, bī rēer ke ŋek. Rin yok aaci Nhialic puöl buk rēer apath. ¹⁶ Tiŋ cī gam, ye ŋic kēdē lōn cīi yīn muonydu bī kony bī gam? Ku yīn mony cī gam, ye ŋic kēdē lōn cīi yīn tiēndu bī kony bī gam?

¹⁷ Wēt ya lēk akuut kōc cī gam, ee lōn bī raan a pīr dhēl cī Bēny nyuōth ye. Ku ŋek adhīl pīr tēcīt tēwäär pīr yen thīn ŋōn cōl Nhialic ye bī wētde gam. ¹⁸ Kē luεεl akīn, na raan cī ŋoot cī cōt Nhialic gam, ka cīi ŋuöt man, ku ye wīc diēt kēc ē ŋoot. Na raan kēc ē ŋoot cī cōt Nhialic gam, ka cīi rot cōl aŋot. ¹⁹ Athōŋ ēbēn tēnē Nhialic tē cī raan ŋoot ayī tē kēc ye ŋoot. Kēn yen ril ē lōn bī yīn lōŋŋke gam. ²⁰ Raan ēbēn adhīl rēer cīt tēden wäär rēer yen thīn ŋōn cōl Nhialic ye. ²¹ Na yī alony wäär cōl Nhialic yī, ke yī duk ye diεεr. Ku na le kē kony yī ba nhom lāäu, ke loi. ²² Raan alony cī Bēny cōl bī ya tōk kek Raan cī lōc ku dōc, ke ye alony cī Raan cī lōc ku dōc looi bī nhom lāäu. Ku yeen aya, raan cī Nhialic cōl bī ya tōk kek Raan cī lōc ku dōc, ee ya alony Raan cī lōc ku dōc. ²³ Nhialic acā ariōpdīt tāäu piny ē riεnkun. Duōkkē rōt loi bāk ya alony ē kōc. ²⁴ Miēthakāi cī gam, ŋōn cōl Nhialic we, ŋek ē la tēden ciēŋ yen thīn. Cīmēn wäär ciēŋ wek ŋōn cōl Nhialic we. Rēēr kē kēya we ŋic Nhialic. Ciēŋkē kēya.

²⁵ Awięc ba wět cäk thiëc ë γεν rin kəc kęc thiëc dhuk nom. Běny akęc γα lək kē ba looi. Ku wek aa ba lək wět ë piändië, ke γα cīt raan cī Nhialic ηῶth puṣu bī la kēden luṣoi. ²⁶ Të tīη γok kārīl bī rōt looi, ka ηuëñ bī raan rēer ë rot ke cīi thiëc. ²⁷ Na yīn ala tik, ke duk liṣi. Na kęc thiëc, ke yī duk thiëc. ²⁸ Na wīc bī yī thiaak, ka cīn adumuṣṣm tō thīn. Ku kəc cī thiëc aabi gum apei piērden yic, ku awięc bāk cīi gum.

²⁹ Kē luεel akīn miēthakāi cī gam, tē cī dōη piērda yic aciek. Ku emēn le tuenη rōor cī thiëc aa dhil ciej ciēt ke kęc thiëc. ³⁰ Kəc dhiau ku yekē nyuṣṣth ciēt ke cīi dhiau. Kəc dal ku yekē nyuṣṣth ciēt ke cīi puṣth mit, kəc ë γῶc, ku yekē nyuṣṣth ciēt kāk cīk ke γῶc cie kākken. ³¹ Ku kəc kāk pinynhom luṣoi, apath bīk cīi ye diεer apei ciēt cīn kaam dīt cīk nək ke lui. Piny kēnē kek kākken tō thīn ebēn, aciī bī ciej apei.

³² Anhiar bāk rēer ke we cie diεer. Kam kəc cī gam, raan kęc thiëc ë yenhom yiëk luṣoi kāk Běny, rin bī yen Běny cəl amit puṣu. ³³ Ku raan cī thiëc ë yepuṣu yiëk kāk pinynhom, rin bī yen tiēηde cəl amit puṣu. ³⁴ Ku kēya, piānde ë nom rou. Ku tīη kęc bēn thiaak, tēdē nyan kęc kaη thiaak, ee yepuṣu yiëk luṣoi kāk Běny, bī guāpde ku wēike aa kāk Běny kedhie. Ku tīη la moc ë yenhom yiëk kāk pinynhom, rin bī yen muṣnyde cəl amit puṣu.

³⁵ Kākkā ebēn aa ca lək we rin wīc γεν ye ba we kony, ku cā we gēl bāk kāk wiëckē ke cīi ye looi. Awięc bāk kēn yic aa looi ku piērkē dhēl la cök, ku bāk Běny luṣoi puṣu ebēn.

³⁶ Na ye moc tak, lən kē cī yen thiëc gṣṣu tēnē nyan cī meek aciī path, ku yeen ala puṣu thiëc,

ka thiεεk tēcīt tē wīc yen ye thīn. Acīn adumuööm tō thīn. ³⁷ Ku mony cī ye guiir piānde ē rot, ke cīn kōc thōöc ye thīn, ku ŋic aya apēi lōn bī yen ye lēu bī rēer apath ke cīi thiēēk, ke kēpath yen alooi bī nya cīi thiak. ³⁸ Kēya, mony thiak nya ē kēpath looi, ku mony cīi nya thiak ē kē ŋuēēn apēi looi.

³⁹ Acīi path bī tik mony dēt wīc ke muonyde pīr, ku na cī moc thou, ka lēu bī mony dēt nhiēr thiaak, ku yeen adhīl a raan cī gēm. ⁴⁰ Ku na ye wētdiē, ke yeen abī puōu miēt tē rēer yen ke cīi ben thiaak. Aya tak lōn ye Wēi Nhialic ya kony tāktākdiē yic aya.

8

Miith ye gām jak cī kiēt

¹ Ēmēn ŋen abī jāl jam miith ye ke gām jak. Ee yic, ŋok aŋic kājuēc rin ē wēt kēnē. Ku ŋiēēc kajuēc ē raan cōl anhiām, ku nhiēr ē raan juak bī riēl. ² Na ye raan tak lōn cī yen kāŋ ŋic, ka ŋot kēc tē bī yen kāŋ jāl ŋic dōöt. ³ Ku raan nhiar Nhialic aye Nhialic ŋic.

⁴ Ku dēt rin ye ke miith cī gām jakrēc cam, aŋicku lōn nhialic ye kiēt ē kāŋ, acīi tō thīn. Acīn Nhialic dēt, Nhialic ē tōk. ⁵ Ee yic, kōc aa jam lōn tō jak cīt kākkā thīn nhial ku piny. Ku na cōk alōn tō jak juēc cīt kākkā thīn, ⁶ ke tēnē ŋo ē Nhialic tōk yen atō thīn. Yen acī kēriēēc ēbēn cak, ku ē riēnke yen aye ŋok pīr. Ku Bēny ē tōk, Jethu Krītho, ku ē riēnke yen acī kēriēēc ēbēn cak, ku ē yen pīir ŋok.

⁷ Ku acie raan ēbēn yen ŋic ē yic kēnē. Kōc kōk aa ŋoot nhīim kāk cī kiēt yiic, na camkē miith cī gām jak cī kiēt, ka yekē tak ciēt ke cī miith cik cam yiēk gup ajuēēc. ⁸ Miēth yeku cam acie ŋo ē looi buk la

cök tēnē Nhialic. Acīn kē ye nyaai tē cēm yōk ye, ku acīn kē ye juak thīn tē cēm yōk ye aya.

⁹ Wek kōc cī gam, duōkkē kē cīn yen mīith ya ke theek loi bī wek kōc koor gamden muōr, bīk tak lōn ē yen adumuōōm yen cīk looi cēm kek ē mīithkā, tē cī kek we tīŋ ke camkē ke. ¹⁰ Na tīŋ raan koor gamde yī raan ŋic kāŋ, yī mīth kāk yai cī gām jak cī kiēēt, ke cī kēnē bī riēel nyin abī miēth cī gām jak cī kiēēt cam? ¹¹ Kēya raan koor gamde, wāmuuth cī gam cī Raan cī lōc ku dōc thou ē rienke, abīi tēdun ŋic yīn kāŋ thīn rac. ¹² Tē looi yīn adumuōōm tēnē wāmāthkun cī gam, ba gamden koor rac kēlā, ke yīn adumuōōm looi tēnē Raan cī lōc ku dōc alanden. ¹³ Kēya, na ye miēth ya cam wāmāāth cī gam cōl aloi adumuōōm, ke yēn acīi miēth kēnē ben cam rin ba wāmāāth cīi cōl aloi adumuōōm.

9

Yic ku luoi atuuc

¹ Yēn ala yic ba kāk piērdiē wīc. Yēn acī Jethu Bānyda tīŋ ku yēn atuōnyde. Ee gamdun yen ē luoi ca looi tēnē Bēny. ² Na cōk alōn cīi kōc kōk ye ye gam lōn ye yēn atuuc, ka ŋiēc lōn ŋic wek ye lōn ye yēn atuuc, rin aye kē piir wek, ke we ye tōk kek Bēny nyuōōth lōn ye yēn atuuc.

³ Yen ē tē ye yēn rot kuōny thīn tē jōōny kōc kōk yēn. ⁴ Yēn ala yic bī yēn yiēk miēth ku kē dek rin luōidiē, ⁵ cīmēn ye atuuc kōk ku wāmāthakēn ē Bēny, ku Pīter la keny kek diāārken, cā la yic ba thiēēk tīŋ cī gam ba ya keny kek ye? ⁶ Nadē ke ye Barnaba ku yēn yōpēc, yōk aa tuuc dhil luui yōcin rin piērda? ⁷ Apuruk acie rot riōp ē rot. Raan tim ē luok com

aye n̄sōth l̄n bī yen mīth abēk cam. Aye abiōök n̄sōth l̄n bī yen dek cek ye yök tēnē amälke.

⁸ Acie kāk yakē tīŋ ke loi röt akōlakōl kek lueel kepeċ, rin kā cīt kākā aaci gōt lōŋ Mothith yic.

⁹ Acī gōt lōŋ Mothith yic ēlä, “Duk muōor der thok tē luui yīn ye bī rap kōōm. Ye miōor kek ye Nhialic yiēk yenhom?”* ¹⁰ Cie yök ye lueel yen wēt kēnē? Ee gāt rienkua, rin raan pur ku raan tēm ayekē n̄sōth rin le yen kē bīk yök rap cīk looi yiic. ¹¹ Yök aaci luui buk kāk wēi tiēŋ wepuōth, ke yakē tak l̄n cī yök puōth dīt tē n̄ēēth yök ye l̄n le yen ariōp bāk gām yō? ¹² Ku na le kōc kōk la yic bīk kākā yök tēnē we, ke yō cīi la yic wār yiēnyden? Ku akēcku kaŋ them buk la kē yōcku, tē cōk al̄n ē yen ke yiēnyda. Ku kēriēc ēbēn acuk guum rin buk kōc cōl aa gam Wēt Puōth Yam rin Raan cī lōc ku dōc. ¹³ Anjic l̄n ŋic wek ye l̄n rōōr ē luui luan̄ Nhialic aa miēthden yök ē luoi luan̄ Nhialic yic. Ku kōc kāk cī bēēi luan̄ Nhialic juaar ariāk nhom aa bēk lōōm kāk cī juaar yiic. ¹⁴ Kēlä aya, aci Bēny looi bī kōc ē kōc lēk Wēt Puōth Yam, kē piir kek aa yök thīn. ¹⁵ Yēn akēc luui ē yithkā. Ku yēn aci athōr kēnē gāt ēmēn rin bī yēn ē yithkā wīc ē rienkiē. Anjēēn ba thou tēn tē looi yēn ē kēnē. Acīn raan bī wēt diēn nhiēm yēn kēnē nyaai tēnē ya. ¹⁶ Acie rin ye yēn kōc lēk Wēt Puōth Yam yen ya cōl anhiam. Ku yic ē rin cī Nhialic ya yōök ba kōc lēk, ku abi rēēc apeī akōldā tēnē ya tē cīi yēn kōc ē lēk Wēt Puōth Yam. ¹⁷ Na luoi ē luoi kēnē tē cī yēn ye tak ba looi, ke yēn adhīl ariōp wīc. Ku na cie yēn tak ye, ku ye Nhialic yen lēk ye ya ba

* **9:9** Aliu ciēŋ ē Jiēŋ yic, L.rou 25:4; 1Tim 5:18 **9:11** Rom 15:27 **9:13** L.rou 18:1 **9:14** Mt 10:10; Lk 10:7

looi, ke ɣa bā ariöp wïc kädē? ¹⁸ Yenö yen ariöpdie? Ariöpdie ä kē bī ɣen kəc lək Wēt Puəth Yam ke ɣa cīi thiəc ariöp, ku cā yinydiēn bī akut kəc cī gam yiək ɣa wïc.

¹⁹ ɣen raan ä rot. ɣen acie alony raan dēt. Ku emēn ɣen ä rot cəl aye alony raan ebēn, rin bī ɣen kəc juēc lēu bīk gam. ²⁰ Tē luui ɣen kek kəc Itharel, ɣen ä ciej cīmēn raan Itharel rin bī ɣen ke lēu, cək alən cīi yen ä kädīt tēnē ɣa ba ciej ciēnden. ɣen ä ciej cīmēn raan wïc ye bī lööŋ cī Mothith gät theek, tē luui ɣen kek kəc ä lööŋkā, rin ba ke lēu bīk aa buəth Raan cī ləc ku dəc. ²¹ Kälä aya, tē luui ɣen kek kəc cie kəc Itharel, ɣen ä ciej cīmēnden ke ɣa cīi lööŋ kəc Itharel thek. Kēnē aya looi rin bī ɣen kəc cie kəc Itharel cəl aa buəth Raan cī ləc ku dəc. Ku acie lən ciēŋ ɣen ke ɣa kuc löŋ Nhialic, ɣen abuəth löŋ Raan cī ləc ku dəc yic. ²² Tē rēer ɣen kek kəc ä gam, ɣen ä ciēt raan tək kamken, rin bī ɣen ke lēu. Kēya, ɣen ä rot looi ba thöŋ ke kəc ebēn rin ba kəc kək kony keyiic bīk gam, kuat dhəl bī ɣen ye lēu thīn. ²³ ɣen ä käckä looi ebēn rin bī ɣen Wēt Puəth Yam ä rin Jethu ɣäth tuēŋ. Ku rin bī ɣen dəc ye yök tē ɣēth Wēt Puəth Yam tuēŋ yök aya.

²⁴ Anjäckē, tē wēer kəc, ee raan tōŋ cī kəc wuər yen ä kēn wēer kəc nyaai. Wek aa dhil kat cīmēn kəc wēer bāk ä kēnē lööm. ²⁵ Raan tuk, ee lööŋ ä tuk dhial theek apai, rin bī yen kē ye gām raan tō tuēŋ, kēn bēn yäi aköldä, nyaai. ²⁶ Yen ä kēnē ye ɣen kat ke ɣa cök ɣanhom ba tē riŋ kəc thīn thap thok piny. Ku ɣen acie pēer ä gut yic ä path. ²⁷ ɣen ä rot looi ba riəl, ba Jethu buəth, rin na ca kəc juēc piöc ke Nhialic cīi ɣa reec aköldä.

10

Paulo ë kəc cī gam piöc rin jak ye kiëet

¹ Miëthakäi cī gam, awiëc bāk kēwäär cī rot looi tēnē wärkuan dīt wäär buəth Mothith ror liëet tak. Keek aake tiit luët, nawën ke tem Wār Lual ë path. ² Tēwäär buəth kek luët, ku wäär teem kek wār, keek aake cit kəc cī muöc nhïim bik aa kəc buəth Mothith. ³ Keek ëbën aaci miëth tōŋ thōŋ cam, miëth yik Nhialic ke ë rielde, ⁴ ku dëkkë ë pïu ke looi Nhialic bik kuër kuur yic, kuur cath ke ke. Kuur ë ye Raan cī ləc ku dəc guöp. ⁵ Cək alən cī kəpuəthkə röt looi ëbën, ke Nhialic ëcïi puöu mit kek wärkuan dīt juëc. Go Nhialic ke nök ku weer guäpken roor tē cïi cien.

⁶ Ëmën, Nhialic aci wärkuan dīt wäär cïi yen puöu mit tēnē ke tēm awuöc, bi yo wëet buk yopuəth cïi ye yiëk käreç cimën wäär cī kek ye looi, ⁷ tädë ke yo dor jak cī kiëet cimën cī kəc kək keyiic ye looi çon. Rin aci göt athör thëer wël Nhialic yic ëlä, “Kəc aaci nyuc bik mïth ku dëkkë ku jolkë dier.” ⁸ Dukku yopuəth ye yiëk bal cimën wäär cī kəc kək keyiic ye looi, nawën ke raan tim thiär-rou ku ŋuan thou akäl tök. ⁹ Acuk lëu buk Bëny them cimën çon cī kəc kək keyiic ye looi, nawën ke thöön kapieny ke. ¹⁰ Duökkë ye rëer we jiëem wenhïim cimën wäär ye kəc kək keyiic ye looi, ku aaci Nhialic bën tuöc atuönyde bi ke nök. ¹¹ Käkkä ëbën aaci röt looi tēnē kəc Itharel bi ke yo lëk. Ku käkkä aaci gät piny rin

10:1 B.bei 13:21-22; 14:22-29 **10:3** B.bei 16:35 **10:4** B.bei 17:6; Kn 20:11 **10:5** Kn 14:29-30 **10:6** Kn 11:4 **10:7** B.bei 32:6 **10:8** Kn 25:1-18 **10:9** Kn 21:5-6 **10:10** Kn 16:41-49

bī ɣo lək thīn aya. Rin ɣok aa pīr tē bī thök piny guo bēn thīn.

¹² Raan cī gam ye tak lön atiit gamde, adhil yenhom tääu piny bī ciēn kërɛc ye. ¹³ Na them yī ba adumuööm looi ke ɲic lön cī kɔc kək kaŋ them kälä aya. Nhialic ë kē cī thən dhīel looi. Acīn raan bī Nhialic puöl bī them arək aba athēmde cīi gök. Ku tē them yī ka la dhēl kony Nhialic yī ba athēm göök.

¹⁴ Kēya, miēthakāi nhiaar, duökkē jak cī kiēt kəŋ door acīn. ¹⁵ ɣen ajam tēnē we rin anjɛc lön ye wek kɔc cī nhīm bak, takkē wēt luɛɛl kēnē yic wepuöth ë röt. ¹⁶ Tē dək ɣok bīny ye ɣok dek muön abiēc miēth Bēny yic ye ɣok Nhialic leec thīn, ke ɣok aa rəm riem Raan cī lɔc ku dɔc. Ku tē bēny ɣok ayup ku camku, ke ɣok aa rəm guöp Raan cī lɔc ku dɔc. ¹⁷ Rin ayuöm tök yen atö thīn, ke ɣo ëbēn cək alön juēc ɣok, ɣok aa guöp tök rin ɣok ayuöm tök rəm.

¹⁸ Takkē kɔc Itharel tē ciem kek kək cī juēr Nhialic, ke keek aa ya tök kek Nhialic. ¹⁹ Yenö wiēc ba lueel tē jīem ɣen kälä? Ye nadē ke jak cī kiēt, ayī miēth cī juēr ke aa la wētden yic? ²⁰ Acie kēyal Kē luɛɛl ë lön kək ye kɔc cīn gam la cök juaar, ee tēnē jakrɛc acie tēnē Nhialic. Ku acā wīc bāk röt aa mat kək jakrɛc yiic. ²¹ Yin acīi dək bīny muön abiēc ë Bēny, ku bēn dek bīny kək jakrɛc. Yin acīi röm kek Bēny ku bēn rəm kek jakrɛc. ²² Na loiku ë kēnē, ke rin wīc ɣok ye buk Bēny rac puöu. Yeku tak lön ril ɣok apei buk Bēny dhöl ku cīi ɣo tēm awuöc?

10:16 Mt 26:26-28; Mk 14:22-24; Lk 22:19-20

10:18 Leb 7:6

10:20 L.rou 32:17

10:22 L.rou 32:21

²³ “Ayeku lueel yok aaci puöl buk käk wicku ke looi.” Ee yic, ku acie keriëec ebën yen path. “Keriëec ebën aci puöl buk looi.” Ku acie keriëec ebën yen yo kony. ²⁴ Yin adhil luui käk kəc kək cəl amit puöth, tən lən ye yin luui käk yi cəl amit puöu ë rot.

²⁵ Apath tənë yi ba kuat riñ ye ke yaac tē ye riñ γοοc thīn cuet, ke yi cii puöu diu. ²⁶ Rin aci göt athör thεεr wël Nhialic yic ëlä, “Piny ku keriëec ebën tō thīn aa käk ë Bëny.”

²⁷ Na ci yi cööl ba la mīth pan raan cīn gam ku ca gam ba la, ke yi cam kuat miëth cī bëxi tənë yi ke yi cii thiëc. ²⁸ Ku na lək raan dët yi, “Miëth kënë aci juër jak cī kiëët,” Ke yi duk ë miëth kënë cam, ku acie rin diu tō yipuöu, ee rin wët rëër raan cī ye lək yi puöu. ²⁹ Këya, acie kē tō piändu yic, ë kē tō puön raan dët yic. Raan dët abi thiëec ëlä, “Yenö ye kē rëër puön raan dët yic ya gël ba kēdiën tō γapuöu cii loi? ³⁰ Na λεεc Nhialic rin miëth, ke yenö bi raan dët ya nyieeny miëth cī γεν Nhialic leec?”

³¹ Këya, kuat kē loi, tē mīth yin ayi tē dək yin, loi ke ebën dhël ye ke Nhialic leec thīn. ³² Duk kē ye kəc kək yok ke rac loi cīmën kəc Judia, tēdë kəc cie kəc Judia, ayi kəc akut kəc cī gam. ³³ Luöökë cīmëndië, aya looi ba raan ebën cəl amit puöu käk ya ke looi yiic, ke cā loi këpath tənë γεν ë rot, ke ye këpath tənë kəc ebën rin bi raan ebën luök.

11

Dhël puöth ë röök

¹ Luöökikë cümendië, cümën ye ɣen luui cümën Raan cī ləc ku dəc.

² Wek aa ya leec rin ye wek luoidië ku kāk ya piöc muk nhïim akölaköl. Ku wek aa kāk cī piöc tənë kəc cī gam, kāk ca ke ɳic tənë kəc kək ku nyuəth ke we, buəth yiic. ³ Ku awiēc bāk ɳic lən Raan cī ləc ku dəc atö moc nom ku moc atö tik nom, ku Nhialic atö Raan cī ləc ku dəc nom. ⁴ Këya, mony ë röök, tädë ke lək kəc wët Nhialic ke cī yenhom kum, ee Raan cī ləc ku dəc rac guöp. ⁵ Ku tiŋ ë röök tädë ke lək kəc wët Nhialic ke kəc yenhom kum ë muənyde rac guöp, athöŋ ke tiŋ cī muut nom bi rac guöp. ⁶ Na cii tik yenhom ye kum, tē röök kəc, ke ye rac guöp cümën tiŋ cī muut nom. Këya, adhil yenhom kum. ⁷ Moc aciï yenhom kum rin aci Nhialic looi bi ciët ye, ku gëm kënë ye cəl athöŋ kek ye. Ku athëek tik tənë moc aye nyuəth lən cī ye looi ke cit moc. ⁸ Rin acin kë cii Nhialic lööm tənë tik bi yen moc cak, ee tik yen aci cak kë cī lööm tənë moc. ⁹ Ku moc akəc cak rin ë tik, ë tik yen ë cak rin ë moc. ¹⁰ Këya, rin ë wët kënë ku rin atuuc nhial, tik adhil yenhom kum bi nyuəth lən tō yen moc cök. ¹¹ Ku cit lən ye yok kəc cī mat kek Bëny, tik acie kë puəl yic tənë moc cümën ye moc kë cii yic puəl tənë tik. ¹² Ee yic, ee löm ë moc yen aci lööm bi ke tik cak ku ë yic aya, lən ë tik yen ë moc dhiëeth ku keek kedhie aabö tənë Nhialic raan cī keriëec ebën cak.

¹³ Takkë yic, kek we ë röt lən puəth yen bi tik röök tənë Nhialic ke kəc yenhom kum tē röök kəc juēc thïn. ¹⁴ Aye ciεη nyooth lən bër nhïm nom apeï aaciï path ke moc. ¹⁵ Ku tən tik ë kën dhëeη. Nhiëm

bäär aci Nhialic gäm ye bi ya kën yen yenhom kum.
¹⁶ Ku na le raan ye tak lön wët luεel acie yic, ke γen ku akuut kɔc ci wët Nhialic gam, γok aa cïn tädēt ye γok Nhialic duør thïn.

Guirku röt apath buk guöp Bëny rəm

¹⁷ Wek aa cä bi leec wël lëk we kä yiic, rin tē rēm wek bäk Nhialic door, käreç yakē ke looi kek aa juēc tēn kăpuoθh yakē ke looi. ¹⁸ Tuen, aci kɔc kōk lëk γa lön tē rēm wek, wek aa weyiic tek. Ku acie wët tōk yen yakē lueel. Ku kënë alēu bi ya yic. ¹⁹ Ee tēde, alëukē bäk weyiic tek ē kamkun rin bi kɔc luel yic ηic. ²⁰ Tē rēm wek ebën ke we ye akut, ku cək alön ye wek ye tak lön ē yen kē ci Bëny döör looi kam kɔc yen camkē, ka cie yic. ²¹ Rin tē mīth wek, wek aye ηek mīth ē rot ke we cīi röt tit. Kɔc kōk aa rēer ke nēk cək ku wiεet kɔc kōk. ²² Ciēnkē nhūim bēēi ye wek mīth thïn ku dëkkē thïn? Aye akut kɔc ci gam yen yakē bën rac guöp, ku guōtkē kɔc cïn kăjuēc nyin? Yakē tak yenō ba lueel tēnē we rin luoi cit kënë? Ba we leec? Acä kəη looi acin.

²³ Rin γen aci piöoc yök tēnē Bëny. Ku ē yen aca bën gäm we aya, lön Bëny Jethu, ee wēer wäär bi ye luəm, ee cä ayup lööm, ²⁴ nawēn ci Nhialic leec, ke bēny ayup yic ku lueel, “Kënë ē guäpdiē ci looi rienkun. Camkē ayum kënë bi wek γen aa tak.” ²⁵ Kälä aya, wēn ci miēth thök ke löm aduη ci thiāη mušn abiēc ku lueel, “Aduη mušn abiēc kënë ē döör yam kek Nhialic ci thany riεmdiē. Tē dek wek ye, luoi kē këya bi wek γen aa tak.”

²⁶ Wek aa thon ē Bëny luεel, γet aköl bi yen bēn dhuk tē cēm wek ayum kënë ku dëkkē mušn abiēc

adušk yic. ²⁷ Këya, na cam raan ayum Bëny ku dëk aduŋ mušn abiëc yic, dhël yen ye dhöl guöp, ke yeen ala guöp awuöc, rin cï yen adumuööm looi tënë guöp ku riem ë Bëny. ²⁸ Raan adhil yepuöu kaŋ caath käreç cï ke looi bï jäl mïth ayup ku dëk adušk yic. ²⁹ Na cam raan ayup ku dëk adušk yic, ku cïi täden ye kek tök thïn kek guöp ë Bëny yïk yenhom bï ñic, ka bï Nhialic tëm awuöc tē cem yen ayup ku dëk adušk yic. ³⁰ Yen ë kë cï kəc juëc weyiic gup riaam ku tuany ke ku thou kəc juëc. ³¹ Na kəŋku yopuöth wïc käreç cuk ke looi, ka cïn kë tëm Bëny yo awuöc. ³² Ku luk aye Bëny looi ku tëm yo awuöc, rin na nhiäk la piny thök ke Nhialic cïi yo tëm awuöc kek kəc pinyhom ëbën.

³³ Këya, miëthakäi cï gam, tē met wek wenhüim bäk mïth, ke we ye röt tiit. ³⁴ Ku na le raan nək cək, ka dhil mïth baai rin bï Nhialic we cïi tëm awuöc, rin cïi wek röt ye tiit tē röm wek. Ku wël kək aa ba la lueel tē yeet yen tënë we.

12

Miöc Wëi Nhialic

¹ Ëmën, awiëc ba jam miöc ye yök tënë Wëi Nhialic. Awiëc bäk yith ñic rin ë käckä miëthakäi cï gam. ² Añieckë, wäär ye wek kəc cie Nhialic ë door, wek aa we cï muör dhöl juëc bäk ke aa door jak cï kiëët. ³ Awiëc bäk ñic lön acïn raan ye Wëi Nhialic cök puöu, lëu ye bï Jethu lëk guöp wël rëç. Ku acïn raan la riel bï lueel lön ye Jethu Bëny tē këc Wëi Nhialic ye tääu yepuöu.

⁴ Miöc juëc cïi thöŋ aatö thïn, ku ee Wëi Nhialic töŋë yen ë ke gam. ⁵ Kəc aa luui dhöl juëc, ku ë Bäny

tök yen aye kë luösi. ⁶ Miöc juëc cii thöŋ ye kəc luui aatö thün, ku ë Nhialic töŋ yen ë ke gäm raan ëbën rin luöiden wïc. ⁷ Nhialic ë raan gäm kë ye raan ye ŋic lön rëer Wëi Nhialic kek ye, ku bi luösi bi yen akut kəc ci gam kony. ⁸ Wëi Nhialic ë raan tök gäm ŋiëëc këŋ. Ku Wëi Nhialic töŋ këne, ee raan dët looi bi kəc aa lëk käjuëc ŋic bö tënë Nhialic. ⁹ Wëi Nhialic töŋë, ee raan yiëk riel bi yen Raan ci lóc ku dəc gam apei. Ku yik raan dët riel ë yen kəc tuany kony. ¹⁰ Wëi Nhialic ë raan gäm riel bi yen kək jəŋ göi aa looi. Ku gëm raan dët riel ë yen wët Nhialic lëk kəc. Ku raan dët ke riel ë yen miöc bö tënë Wëi Nhialic, ku kək cie bën tënë ye tek thook. Ee raan yiëk riel bi jam thok kək, ku gëm raan dët riel bi kək ci lueel thok kək teet yiic. ¹¹ Ku ë Wëi Nhialic töŋ këne yen ë kəkka gam ëbën təcit tē wïc yen ye thün. Ee ŋek gäm miöc cii thöŋ kek miöc ë ŋek.

Guöp ala yic käjuëc

¹² Guöp Raan ci lóc ku dəc ë guöp tök la yic käjuëc, cimen guöp raan la yic käjuëc. ¹³ Këlä aya, yook ëbën ke yo ye kəc Judeo, tädë ke yo ye kəc cie kəc Judeo. Tädë ke yo ye kəc lääu nhüm, tädë ke yo ye aloony. Wëi Nhialic aci ŋek kamkua a muöc nhom ku arëer kek yo, ku aci yo looi buk aa ban guöp Raan ci lóc ku dəc.

¹⁴ Ku guöp acie aban tök, ala yic abëkjüëc. ¹⁵ Tädë na lueel cök ëlä, “Rin cii ŋen ye cin, ŋen acie aban ë guöp.” Ka cii këne ye looi, bi cii ye aban ë guöp. ¹⁶ Tädë ke lueel yic ëlä, “Rin cii ŋen ye nyin, ŋen acie aban ë guöp.” Ka cii këne ye looi aya bi cii ye aban ë guöp. ¹⁷ Na guöp ëbën ye nyin, ke ye piŋ kädë? Ku

na guöp ye yic yetök, ke ye ñör kädä? ¹⁸ Ku yic akïn, Nhialic acï abëk cïi thöŋ tääu guäp tök yic təcit tē wïc yen ye thïn. ¹⁹ Na ye abañ tök yen tō thïn ē rot, ŋuöt acïn guöp. ²⁰ Ku yic akïn, abëk juēc aatō thïn ku guöp ee tök.

²¹ Këya, acïi nyin lëu bï lueel tēnē cin ëlä, “Yin acä wïc.” Ku acïi ñhom luel tēnē cök, “Wek aacä wïc!” ²² Ku yic akïn, abëk guöp ye tak ciët ke cïi ril, aacïi dhil liu thïn. ²³ Ku abëk guöp ye yök ke cïn luoi ye ke kuëc ñhïim, kek aa yeku ñיע muk apath. Ku guöp aləŋ cie nyuəəth ē path, aye ñיע kum. ²⁴ Ku guöp aləŋ cie thiaan, acie kum. Ku Nhialic acä abëk ē guöp cïi ke looi bïk aa guäp tök ëbën, ku acä abëk ē guöp cïi ke ē kuëc ñhïim looi bï ya kek kädit apəi. ²⁵ Këya, guöp ē tök acïi yeyic ē tek, ku abëkken cïi thöŋ aa röt kuony kamken. ²⁶ Na rem guöp abañ tök, ka abëk kök ē guöp aacïi la ləŋ aya. Na lec abañ tök, ka abëk kök aa mit puəth kek ye ē tök.

²⁷ Week ëbën wek aa guöp Raan cï ləc ku dəc, ku ñek kamkun abañ guäpde. ²⁸ Akut kəc cï gam yic, Nhialic acä atuuc tōöu tuəŋ. Ku bö kəc wël Nhialic lueel kecök. Ku bö kəc ē piööc. Ku kəc la riel ē luui käk jəŋ göi. Ku bö kəc la riel ye kek kəc tuany kony bïk pial. Ku kəc ē kəc kony, ku kəc mac kəc, ku kəc jam thok kök. ²⁹ Keek acie atuuc ëbën, ku aacie kəc lək wēt Nhialic ëbën, ku aacie kəc ē piööc ëbën. Acie raan ëbën yen la riel ē yen luui käk kəc göi, ³⁰ tädë acie raan ëbën yen la riel ye yen kəc tuany kony bïk ben pial, tädë acie raan ëbën yen jam thok kök, tädë acie raan ëbën yen la riel bï käk cï lueel thok kök teet yiic. ³¹ Wëlke wepuəth miəc kek dit apəi. Ku

miöc path kamken ebën akïn.

13

Nhiër

¹ Alëu ba jam thok kök, ayi thok ye atuuc nhial jam, ku na liu nhiër tënë ya, ke yen acit raan loi duoat, tädë ke yen athöη kek lönh guöt ë path. ² Na ba la riel ye yen koc ηiec lek wët Nhialic. Ayi ηiëc ye yen käk ye moony deet yiic. Ayi lon ba la gam ril apai tënë Nhialic, lëu yen ye ba gat yöök bik röt nyoöη tē rëer kek thïn. Ku na ciën nhiër ke yen ë raan cïn kë ya lëu acïn. ³ Na gam ba käk tö ke yen ebën tek tënë koc ηöη, ku gam rot bi yen cuat mεεc, ku na ciën nhiër ka cïn kë kony tënë ya.

⁴ Nhiër ë lon bi raan kërac guum ku lir pušu, acie tiεel ku nhiaam. ⁵ Nhiër acie kuöc ë wël ku acie cök ku acie thöök ë pušu. Raan la nhiër acie këεεc ci luöi ye ë muk nom. ⁶ Koc la nhiër cit nhiër koc ci gam, aaci puöth dhil miεt tē looi këεc, ku aa ye yic cöl aa mit puöth. ⁷ Nhiër ë yo cöl agum këriëc ebën, ku ë yo cöl amuk gamda kuat käk loi röt yiic, ku cöl yo anöth Nhialic ku cuk yit.

⁸ Nhiër ë rëer thïn akölaköl, ku miöc kök cimën luεl wët Nhialic, ku jam thok kök ku ηiëc ë këη, kakkä ebën aa rëer ku bik liu. ⁹ Rin miöcdan ye yok këη ηic arëer ke ye abak, ku riel ye yok wët Nhialic luεl a bak aya. ¹⁰ Ku na la kë cie abak bën, ke këne abak aci ben wic.

¹¹ Yon ye yen meth, yen a ya ye jam cimën meth ku tük cimën meth, ku emën ye yen raandit, yen acie ben luui cimën meth. ¹² Kë yeku tiη emën acit mën dhie ye raan rot tiη macar la nyin durdur yic. Ku

aköl dät yok aabī kēriēec ēbēn tīj apath. Ku emēn yen acīi kēriēec ēbēn ŋic, ku aa ba ŋic ēbēn cīmēn tē ŋic Nhialic ya thīn.

¹³ Ku emēn gam ku ŋōth ku nhiēr aatō thīn, ku kēdit ke ēbēn ē nhiēr.

14

Wēl juēc rin miōc Wēi Nhialic

¹ Ee nhiēr yen adhielkē yiēk wepuōth apēi, ku tāaukē wepuōth miōc ye yök tēnē Wēi Nhialic, cīmēn miōcdīt kōc yiēk riēl bīk wēt Nhialic luēl.

² Raan jam thoŋ cīi kōc kōk ŋic ē Nhialic yen aye yen jam tēnē ye, acie kōc kōk rin acīn raan wētde deet yic. Ee riēl Nhialic yen aye yen jam yith cīi ke ŋic. ³ Ku raan wēt Nhialic luēl ē jam tēnē kōc, ku wēlke aa kōc kony ku deetkē kōc puōth bīk rēēr apath. ⁴ Raan jam thok cīn kōc ke piŋ ē yen rot kony yetök. Ku raan wēt Nhialic luēl, akut kōc cī gam kony ēbēn.

⁵ Alēu ba nhiaar tē ye wek ēbēn jam thok cīn kōc ŋic ke. Ku anhiaar apēi bāk la miōc ye wek wēt bō tēnē Nhialic luēl. Rin raan wēt ē Nhialic luēl aloi kēpath apēi tēnē raan ē jam thok cīn kōc ŋic ke, na cie kēya, ka dhil la raan tet wēl ye lueel yiic rin bī akut kōc cī gam kony. ⁶ Kēya, tē le yen bēn tēnē we miēthakāi cī gam, yeŋō ba kuōny we tē ye yen jam thok cīi ke ye piŋ? Acīn kēdāŋ. Ku ē bī piath tē lēk yen we wēt cī Nhialic nyuōth ya, ku tē piōōc yen ŋiēc ē kāŋ cī Nhialic gam ya. ⁷ Ku kēlā aya, kāk cīn yiic wēl ye ke piŋ tē gut ke cīmēn lōōr ku thom, na cīi raan ke gut tēcīt tē wīc bī rōlden nyooth, ke kōc piŋ bī kēn yen wīc bī looi ŋic kēdē? ⁸ Ku na cīi raan lōōr ē tōŋ gut tēcīt tē ye ŋiēc ye, ke kōc bī rōt

guiir kədē bik la təŋ? ⁹ Ku kələ aya, bi raan dēt wēt lək kəc ē thok kək deet yic kədē tē cii yen la gēi? Yin abī ciēt raan jam alir yic ē path. ¹⁰ Thok juēc cii thōŋ aatš pinynhom, ku acin thoŋ tōŋ cii kēde ye deet yic. ¹¹ Ku na cā thoŋ jiem raan ye deet yic, ke raan jam ē thoŋ kēnē ē raan kuat dēt tēnē ŷen, ku ŷen ē raan kuat dēt tēnē ye. ¹² Ku cit lən wic wek ye apei bāk riəl ye Wēi Nhialic gām kəc yök, dhielkē them kam kăkkök yiic ebēn bāk riəl ye ke kəc cī gam kony, kuany.

¹³ Kēya, raan jam thoŋ cii kəc kək ye deet yic, adhil rōök bi la riəl teet yen wəl ye lueel yiic. ¹⁴ Rin na rōök kələ aya thoŋ cā ŋic, ke Wēi Nhialic arōök aya ŷapušu, ku nhiamdiē acin kēpuəth looi. ¹⁵ Na ye tēde kan, ke yeŋō ba dhiel looi? ŷen abī rōök ku wak ŷapušu ku nhiamdiē kedhie. ¹⁶ Tē leec yin Nhialic yīpušu ē rot, thoŋ kuc raan dēt bi rōök ya gam kədē, “Yenakan.” Rin kuc yen kē ye lueel? ¹⁷ Na cək lecdun tēnē Nhialic piath apei, ke yin acie raan dēt ē kony acin.

¹⁸ ŷen Alec Nhialic rin ye ŷen jam thok juēc cii ŋic wār ŷen we ebēn. ¹⁹ Ku tēn amat kəc cī gam, aya wic apei ba jam wəl lik lēu bi ke deet yiic rin bi ŷen kəc kək pišöc, tēn tē bi ŷen jam wəl juēc cīn kəc ē ke piŋ.

²⁰ Miēthakāi, kəc cī gam, pälkē kē ye wek tak cīmēn mīth. Yakē tak cīmēn kəc cī nhīim bak ku bāk gup ciēn awuöc cīmēn mīthkor cīn awuöc yekē looi.

²¹ Acī gāt athör thēer wəl Nhialic yic elä, “ŷen abī kəc ē jam thok cīn kəc ŋic keek col ajam tēnē kackiē, ku na cəkkē looi kēya, ke keek aa ŋot ke cii wētdiē bi piŋ.”

Acī Bëny lueel.

²² Këya, miöc ye kəc jam thok kök, acie kin kəc cī gam, ee kin riël Nhialic nyuöøth tēnē kəc kəc gam. Ku miöc ye wēt Nhialic luεel, ee kē ye kəc cī gam kony, acie kē ye kəc kəc gam kony. ²³ Na mat kəc cī gam kenhüim ëbën ku rekkē jam yic thok cüi thöŋ, ku bö kəc kəc käng deet ku kəc kəc gam, ke cik bi lueel lön cī jöŋrac ke döm? ²⁴ Ku na bö kəc kəc käng deet ku kəc kəc gam, tē lək wek kəc wēt Nhialic, ka bi raan yök ë rot lön le yen guöp adumuööm tē piŋ yen ë wëlkä. Abi wël cī piŋ cäl anic kē cī wuööc. ²⁵ Ku wēt Nhialic abi kækken ye tak yepuöu cäl anic kəc kök. Ku abi yenhom guöt piny ku door Nhialic ku lueel, “Nhialic arëër kek we ayic!”

Käpuøth ye looi tē röök kəc

²⁶ Yenö ba jäl lueel miëthakäi cī gam? Tē met wek wenhüim bäk Nhialic door, raan tök ee waak ket ku piöc ŋek. Ku luel raan dët käk cī nyuøth ye, ku war raan dët wēt cī lueel ë thoŋ dët yic. Käkka aaye looi ëbën bik akut kəc cī gam kony. ²⁷ Kəc jam weyiic ë thok kök cüi ŋic tē met wek wenhüim, acüi kəc karou ayi kəc kadiäk wan thook. Wek aa dhil ŋek ajam ë ŋek cök, ku raan war wëtdun lëkkē kəc yic, adhil tō thün. ²⁸ Ku na liu raan war thok yic, ke raan jam thoŋ cie piŋ kəc kök abit ku jiem yepuöu ë rot tēnē Nhialic. ²⁹ Calkē kəc karou, tēdē kəc kadiäk cī Nhialic gäm wëtde, aa lək kəc. Ku kəc kök akut, kəc cī gam aa bit bik kē luel döt yic kepuøth. ³⁰ Ku na büi Nhialic wēt raan cī nyuc amat yic puöu, ke raan jam akäac. ³¹ Calkē raan tök aye jam ku ben ŋek la yecök, rin bi raan ëbën piöc ku deet ë puöu. ³² Raan jam, lək kəc wēt Nhialic adhil

ɲic yenhom bī kööc ku ben raan dēt päl jam, ³³ rin awic Nhialic buk aa jam ke ɲek ë ɲek cök, ku cuk ye tēer ë kamkua.

Tē met akut kɔc cī gam yenhom tēden ye kek rōök thīn, ³⁴ ke diäär aaciī päl bīk jam. Keek aa dhil biēt ku pīŋkē. Aa dhil tō rōör cök cīt tē yeku yōk ye ke cī gōt löŋ kɔc Judeo yic. ³⁵ Na le kē wickē bīk deet yic, ka dhil rōörken thiēec tē cī kek dhuk baai. Rin aciī path bī tik jam amat akut kɔc cī gam yic.

³⁶ Nadē ke ye wek we bīi wēt ë Nhialic thīn? Nadē ke ye we wepēc yen bīi yen? ³⁷ Na ye raan tak lɔn ye yen raan kāk Nhialic tīŋ, tēdē ke ye Wēi Nhialic nyuōōth, ka dhil ɲic lɔn kāk gāt ke aa kāk bō tēnē Bēny. ³⁸ Na ye kākä dhöl yiic, ke duōkkē ye kuēec nhom.

³⁹ Kēya, miēthakāi cī gam, tääukē wepuōth kāk bī Nhialic nyuōōth we yiic bāk ke aa lēk kɔc, ku duōkkē kɔc kōk cī gam jam thok kōk, ye gēl bīk cīi jam.

⁴⁰ Wek aa dhil kēriēec ebēn looi dhēl la cök.

15

Jethu aci jōt ran yic

¹ Ēmēn miēthakāi cī gam, wek aa ba ben lēk rin Wēt Puōth Yam ya lēk we, wēt cāk yōk ku yen cāk gam wepuōth ebēn. ² Wēt ya lēk we, ku yen bī we luōk aya tē muk wek ye cīt tē cī ɣen ye lēk we thīn, ka bī ciēn wēt puōth cāk gam, tē cīi yen ye yic.

³ ɣen aci wēt thiek yic apei yōk ku lēk we. Wēt cī Raan cī lɔc ku dɔc thou rin adumuōōmkua. Cīt tē cī gāt ye athör thēer wēl Nhialic yic. ⁴ Acik thiōk ku yeen aci Nhialic jōt thou yic nīn kadiäk cök bī ben

pīr, cīt tē cī gāt ye athör theer wël Nhialic yic. ⁵ Ku nyuth rot Pīter ku jəl atuuc kathiäär ku rou. ⁶ Ku ben rot nyuöth tēnē kəc juēc wär kəc buət kadhięc, kəcəken ye buöth cök, kəc ɲot ke pīir kəc juęc, cək alən cī kəc kək thou. ⁷ Ku ben rot nyuöth Jemith ku jəl rot ben nyuöth atuuc ebën.

⁸ Ku jəl rot nyuöth ɣen ciëen cimën raan lök dhiëeth ciëen. ⁹ Rin ë ɣen akoor tēnē atuuc ebën, aya yök acii path bī ɣen a cəəl ɣen atuuc rin ɣen aci kəc akut, kəc cī gam jöör, ku cal ke aa gum apɛi. ¹⁰ Ku dhëen ɛ Nhialic acä cəl acit kēnē akölē. Ku dhëen cī gām ɣen akęc nhom dɛer piny. ɣen aci luui apɛi luɔi wär ɣen atuuc kək, ku acie rieldië ë rot, ee miöc cī Nhialic gām ɣa yen alëu ɣen ë luɔi kēnē. ¹¹ Këya, na ye wēt kēnē yen ya lək kəc, tēdē ke ye yen lək atuuc kək kəc aya, ke yen ë wēt tön le ɣok tuen ke ləkku kəc, ku ë yen acäk gam.

Kəc cī gam aabi röt jət rɛɲ yic

¹² Na ye lək kəc lən cī Nhialic Raan cī ləc ku dəc jət thou yic, ke yenö ye kəc kək ë kamkun ye lueel lən cii kəc cī thou bī jət bik ben pīr? ¹³ Na ye wēt yekē lueel yic, lən cīn yen raan cii jət ë thou yic, ke Nhialic akęc Raan cī ləc ku dəc jət ë thou yic aya. ¹⁴ Ku na Raan cī ləc ku dəc kęc jət ran yic, ke wēt yeku lək kəc ku gamdun tēnē Raan cī ləc ku dəc acin wētde yic. ¹⁵ Ku dēt aya abi nyooth lən lueel ɣok lueth rin Nhialic, rin acuk lueel lən cī yen Raan cī ləc ku dəc jət thou yic. Ku na ye yic lən kęc kəc cī thou jət bik ben pīr, ke Nhialic akęc Raan cī ləc ku

15:4 Wk 16:8-10; Mt 12:40; Luɔi 2:24-32 **15:5** Mt 28:16-17; Mk 16:14; Lk 24:34, 36; Jn 20:19 **15:8** Luɔi 9:3-6 **15:9** Luɔi 8:3

dɔc jɔt thou yic. ¹⁶ Rin na kɛc kɔc cɪ thou jɔt, ke Raan cɪ lɔc ku dɔc akɛc jɔt aya. ¹⁷ Na Nhialic kɛc Raan cɪ lɔc ku dɔc jɔt thou yic, ka cɪn kɛ kuny gamdun we tɛnɛ Raan cɪ lɔc ku dɔc, ku adumuɔɔmkun aa ɲot ke kɛc pɔl piny. ¹⁸ Na Raan cɪ lɔc ku dɔc kɛc jɔt thou yic, ke wɛtde yic aya, abɪ ciɛt lɔn cɪ kɔc cɪ gam ku aaci thou, aa kɔc ɲot ke rɛɛr adumuɔɔm yic. ¹⁹ Na yeku ɲɔɔth lɔn bɪ Raan cɪ lɔc ku dɔc ɣo kony pɪr akɔlɛ yic ɛ rot, ku acie pɪr akɔlriɛɛc ɛbɛn, ke ɣok aabi kuat raan tɔ pinynhom ɛbɛn yic ɲɛɛr ɛ riɛnkua.

²⁰ Ku yic ɛ kɛ cɪ Nhialic Raan cɪ lɔc ku dɔc jɔt thou yic bɪ nyuɔɔth lɔn bɪ yen kɔc cɪ thou jɔt aya. ²¹ Cɪmɛn ye kɔc thou rin kɛwɔɔr cɪ raan tɔk looi, ke kɔc aabi rɔt jɔt thou yic aya rin kɛ cɪ raan dɛt looi. ²² Cɪmɛn wɛthɛɛr ye kɔc thou rin ye kɔc tɔk kek Adam, ke yeen aya kɔc aabi jɔt bɪk pɪr rin cɪ kek mat kek Raan cɪ lɔc ku dɔc. ²³ Ku ɲɛk abɪ la akɔlden bɪ ye jɔt thou yic. Raan cɪ lɔc ku dɔc yen aci kaɲ jɔt thou yic, ku kacke aabi jɔt akɔl le yen dhuk. ²⁴ Ku thɔk ɛ piny abɪ jɔl bɛn, ku Raan cɪ lɔc ku dɔc, abɪ jak ril pinynhom kek kacken rac ɛbɛn, ku gɛm Bɔɔny tɛnɛ Wun Nhialic. ²⁵ Rin Raan cɪ lɔc ku dɔc adhil mac ɣet akɔl bɪ Nhialic kɔc ater ɛbɛn gɔɔk ku bɪi ke yecɔk. ²⁶ Raan ater bɪ jɔl gɔɔk ciɛɛn ee thou.

²⁷ Acɪ gɔt athɔr thɛɛr wɛl Nhialic yic ɛlɔ, “Nhialic aci kɛriɛɛc ɛbɛn tɔɔu yecɔk.” Alɛu bɪ deet yic lɔn, kɛriɛɛc ɛbɛn, ye lueelkɔ, Nhialic guɔp aliu ɛ kɔkkɔ yiic rin ee yen Raan cɪ lɔc ku dɔc looi bɪ kaɲ mac ɛbɛn. ²⁸ Ku na cɪ kɛriɛɛc ɛbɛn tɔɔu Raan cɪ lɔc ku dɔc cɔk, ke yeen nhom yen Raan cɪ lɔc ku dɔc abɪ rot tɔɔu Nhialic cɔk, yen raan kɛriɛɛc ɛbɛn looi bɪk

tö yecök, ku Nhialic yen abï keriëec ëbën jäl mac.

²⁹ Takku ëmën kəc ye muəc nhïim rin kəc cï thou. Yenö yakë nşöth? Ye këpiath nşö ye kəc ye muəc nhïim rin kəc cï thou looi tş cïi Nhialic kəc cï thou ë jət bik bën pïr? ³⁰ Na cïi kəc cï thou röt ë bën jət, ke yenö ye yok yonhïim räam akölaköl kë ye yok thou yok thïn. ³¹ Mişthakäi cï gam, thou ë ya tişet piny akölaköl. Yen akuëñ, yen aluel yic rin ee kënë ë nhiaamdië ë rienkun, lön cï yok röt mat kek Raan cï ləc ku dəc Jethu Kritho Bányda, ee piërda yic. ³² Yenö ca yok thïn wäär thër yen kek kəc cït läai Epethuth? Na kəc cï thou cie jət bik bën pïr, ke yo mïthku ku dëkku, nhiäk yok aabi thou. ³³ Duk rot col amär, “Na ye cath ke kəc rec, ka rec yï ba cişet ke.” ³⁴ Yakë nşec tak ku pälkë dhölkun adumuşm. Ee yär guşp rin kəc kök weyiic aa kuc Nhialic.

Guşp cï rot jət ran yic

³⁵ Raan dşet abï thięc ëlä, “Bi Nhialic kəc cï thou jət kädë bik bën pïr? Ye guşp yïndë bi tö ke ke?” ³⁶ Yenö thięc wek kälä! Tş com yïn käu, ku cïi yic kəñ pät bi cişet kë cï thou ka cïi cil. ³⁷ Ku kë ye com ë käu ë path cimën käu ë rap ku käk kök, acie kool rap yen ye com bi bën dit. ³⁸ Nhialic ë käu gam guşp cï ləc ye. Ee kuat käu gam guşpden path ke ye.

³⁹ Gup käk pïr ëbën aacïi thöñ. Kəc aa la guäpden ë röt, läai aa la guäpden ë röt, dişet aa la guäpden ë röt, ku rec aa la guäpden ë röt aya.

⁴⁰ Ala gup tö nhial ku gup tö pinynhom, ku dhëñ rëer kek gup tö nhial acïi rëer ke gup tö pinynhom.

⁴¹ Aköl ala dhëñde ë rot, pşei ala dhëñde ë rot ku

kuel aa la dhëëndjen ë röt. Ku kam ë kuél, kuél kök aa la dhëëndjen ë röt aya.

⁴² Abi ciët ë kënë tē le Nhialic kəc cī thou jət bīk pīr. Tē cī guöp thišk ka dhiäth bī ya tiəp, ku tē jət ye, ka cīi ben thou ku cīi ben dhiäth. ⁴³ Tē cī guöp thišk, ka cī riääk ku cīn dhëëndjen ku riël. Tē jət Nhialic ye, ka bī dhëndjen ku ril. ⁴⁴ Tē cī ye thišk, ke ye guöp pinynhom tēn, tē jət ye, ka bī ya guöp ye Wëi Nhialic gām pīr. Cīt lön tō guöp pinynhom thīn, guöp pan Nhialic atō thīn aya. ⁴⁵ Rin aci gət athör thëer wël Nhialic yic ëlä, “Raan tuëndjen Adam ëcī cak ku bī pīr, ku Adam ciëen ë pīr wëi gam.” ⁴⁶ Acie guöp pan Nhialic yen kəndjen bēn ë guöp pinynhom. ⁴⁷ Adam tuëndjen ë cak ë tiəp, ku Adam dëëtē ë bō nhial. ⁴⁸ Kəc pinynhom aa thōndjen kek raan wäär cak tiəp, ku kəc ë kəc nhial aa thōndjen kek raan bō nhial. ⁴⁹ Ëmēn yok aa thōndjen kek raan cī looi ë tiəp, ku aköldä yok aabi thōndjen kek raan bō nhial.

⁵⁰ Miëthakäi cī gam, awiëc bāk ndjen lön gupkuan la yic adiöndjen ku riem aabi riääk piiny ran yic. Aacīi röt bī mat ë bääny Nhialic yic, bääny rëer thīn akölriëec. ⁵¹ Wek aa ba lëk kē cak ndjen thëer ku bāk deet yic ëmēn. Acie yo ëbēn yok bī thou, yook ëbēn yok aabi yiëk guöp ë yam. ⁵² Abi rot looi kaam thīn koor ë path. Tē piyndjen kəcīt kan yic aköldä thōök piny, Nhialic aabi kəc cī thou jət bīk pīr. Yok aabi waar ëbēn buk cīi ben thou. ⁵³ Gupkuan cī thou ku riëëkkē ë ran yic, aabi waar gup cie thou, gup cie riääk ran yic. Ku yok kəc pīr yok aabi gām gup cie thou. ⁵⁴ Tē le kënë rot looi, gupkuan ë thou

ku riëëkkë aabī waar bik cī ben aa thou, ke wël Nhialic cī gõt thεer aabī kenhūm jāl tiεεŋ,
 “Riel ë thou acīi liu, thou acī göök papot!”

⁵⁵ “Yīn thou, rieldu ako? Yīn thou, rieldun yīn ɣo göök ë yīn kɔc nɔk ako?”

⁵⁶ Thou ee rielden yen kɔc nɔk yök tēnē ad-umušm, ku adumušm ee rielde yök tēnē löŋ.

⁵⁷ ɣok aa dhil Nhialic leec, rin cī yen ɣo cɔl ayök riel ye ɣok adumušm ku thuɔu tiaam, rin kē cī Bānyda Jethu Krītho looi.

⁵⁸ Kēya, miēthakāi cī gam, muškkë gamdun apath gušm kē. Yakē luui akōlakōl rin Bēny, rin anjēckē acīn kuat luai yakē looi rin Bēny bī nhom kaŋ dεer piny ë path.

16

Wēū ye juaar rin kɔc cī gam Judia

¹ Awiēc ba jam rin wēū wiēc kē bāk ke juaar rin bī wek kɔc cī gam Judia kony. Wek aa dhil kē ca lēk akuut kɔc cī gam Galatia looi. ² Nεk ë kamkun adhil wēū atōu tēcīt tēn akuēnden bī lēu akōl Nhialic thok ebēn, rin bī ciēn wēū ben kušōt yiic akōl bī ɣen bēn. ³ Na la bēn ke ɣen abā athōor gām kockun cāk kuany, ku lēk kɔc Jeruthalem lɔn kockā aa kɔc ɣēth wēū cik juaar tēnē we. ⁴ Na pεth tēnē ɣa ba la Jeruthalem, ke kek aabī cath ke ɣa.

Tē cī Paulo guiēr kenyde

⁵ ɣen abī jāl bēn tēnē we tē cī ɣen kaŋ tēek Mathedonia, rin aca guiir ba tēek thīn. ⁶ Aya yök ɣen abī lōk ɣa la rēer kek we, tēdē ɣen abī rut thōl,

ku wek aa bä kuony la kennydië yic kuart tē le yen thīn. ⁷ Acā wic ba we tiŋ ē path emēn ku bar tuen. Aya nōōth ciēt ya bī rēer apēi kek we tē pēl Bēny ye bī rot looi.

⁸ Yen abī rēer Epethuth ē tēn yet akōl Yan Ayup cīn yic luou, ⁹ rin yen ala kē luou ke dīt tēn apēi, cōk alon cīi kōc juēc kē luou wic.

¹⁰ Na bō Timothī, ke nyuōthkē ye lon acīn kē bī ye cōl ariōc tē rēer yen kek we, rin alui rin Bēny cīmēn luui yen rin Bēny aya. ¹¹ Acīn raan ē kamkun yōŋ Timothī guōp. Kuonykē bī dhōlde tēek apath bī dhuk tēnē ya ke puōl guōp, rin aŋāath bī dhuk kek miēthakāi cī gam luui yok ke ē tōk.

¹² Emēn, rin wāmāath Apolo, aca ya yōōk bī la tēnē we kek miēthakāi kōk cī gam. Ku acīi wic bī la tēnē we emēn, aŋot bī la tē lēu yen rot.

Wēl ciēn

¹³ Tiēerkē nhīim, kāäckē ē cōk gamdun yic, duōkkē riōc, riēlkē puōth. ¹⁴ Wek aa dhil kēriēēc ēbēn looi kek nhiēr wepuōth. ¹⁵ Wek aa ŋic Ithipanath kek kacke, kek aa kōc ke kōŋ wēt Nhialic gam pandun Akaya ku yekē luui apēi rin kōc ē Nhialic. Wek aa lāŋ, miēthakāi, ¹⁶ bāk kōc cīt kākkā theek ku raan dēt rot māt thīn bī luui kek ke.

¹⁷ Yen amit puōu rin cī Ithipanath ku Fortunato ku Akaikuth bēn, keek aaci bēn luui nyiendun wāār liiu wek. ¹⁸ Rin aacā bēn cōk puōu ku we aya. Dhiēlkē wēt ye kōckā lueel piŋ.

Muōth ciēn

19 Akuut kɔc cī gam wun Athia aa we tuɔc miäthden, Akuila ku Prithkila ku akuut kɔc cī gam mat panden, aa we tuɔc miäthden apɛi rin Bëny.
20 Miëthakāi cī gam tɔ ë tɛn aa we muɔth. Miäthkë röt ë kamkun muɔth kɔc cī gam.

21 Ee γɛn Paulo γɛn agät ë muɔth kënë ë ciεendië.

22 Kuat raan cī Bëny nhar abi kërac yök. Bányda, bäär!

23 Bī dhëēη Bányda Jethu rëer ke we.

24 Nhiërdië arëër kek we ëbën rin Jethu Kritho.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55